

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্রের সামরিক বাহিনী কর্তৃক মানবিক সহায়তা প্রকল্পের আওতায় আশ্রয়কেন্দ্র নির্মাণ

ঢাকা, ৮ই ফেব্রুয়ারি -- যুক্তরাষ্ট্র সরকার আগামী ৮ থেকে ১১ই ফেব্রুয়ারি বাংলাদেশের ঘূর্ণিঝড় সিডের আক্রান্ত খুলনা ও বরিশালের বিভিন্ন এলাকায় ‘বহুমুখী ঘূর্ণিঝড় আশ্রয়কেন্দ্র’ নির্মাণ কাজ শুরু করবে। যে সব এলাকায় এই নির্মাণ কাজ চলবে তার মধ্যে রয়েছে মির্জাগঞ্জ উপজেলার দেওলি পল্লীমঙ্গল উচ্চ বিদ্যালয়, কলাপাড়া উপজেলার পাখিমারা পিভি উচ্চ বিদ্যালয় এবং মোরেলগঞ্জ উপজেলার এসি লালা উচ্চ বিদ্যালয় ও খোয়ালিয়া আব্দুল রশিদ খান কলেজ। যুক্তরাষ্ট্র প্যাসিফিক কমান্ডের অর্থায়নে ২৪টি বহুমুখী ঘূর্ণিঝড় আশ্রয়কেন্দ্রের মধ্যে এগুলো প্রথম চারটি। জরুরি প্রয়োজনের সময় ছাড়া এগুলো প্রতিদিন বিদ্যালয় হিসেবে ব্যবহার করা হবে। এই মানবিক সহায়তা প্রকল্পগুলো ২০০৮ সালে যুক্তরাষ্ট্র ও বাংলাদেশ সরকারের মধ্যে স্বাক্ষরিত ৪৩ লাখ ডলার ব্যয়ে বহুমুখী আশ্রয়কেন্দ্র এবং সেতু নির্মাণ চুক্তির অংশবিশেষ।

বাংলাদেশ সরকার ও এর জনগণকে সহায়তার জন্য যুক্তরাষ্ট্র সরকার অঙ্গীকারাবদ্ধ। বাংলাদেশের জনগণের উদ্দেশ্যে যুক্তরাষ্ট্র সরকারের সহজ বক্তব্য হচ্ছে: আমরা ঘূর্ণিঝড়ের আগে এখানে ছিলাম, প্রাথমিক জরুরি ত্রাণ পর্যায়ে এখানে ছিলাম এবং বাংলাদেশকে সামনে এগিয়ে যেতে সহায়তা করতেও আমরা এখানে থাকবো। বাংলাদেশের স্বাধীনতার পর থেকে উন্নয়ন সহায়তা হিসেবে যুক্তরাষ্ট্র সরকার দেশটিকে এ পর্যন্ত পাঁচ শ' কোটি ডলারেরও বেশি প্রদান করেছে। ঘূর্ণিঝড় সিডের অব্যবহিত পর যুক্তরাষ্ট্র সরকার তিন কোটি ডলার জরুরি খাদ্য সহায়তা হিসেবে এবং ৬৫ লাখ ডলার খাদ্য-বহির্ভূত জরুরি ত্রাণ কর্মসূচির জন্য বাংলাদেশকে প্রদান করে। এছাড়া জরুরি ত্রাণ, পুনর্বাসন এবং দরিদ্র ও ঝুঁকিপূর্ণ ঘূর্ণিঝড় সিডের আক্রান্ত এলাকাসমূহে (গ্রাম ও চরসহ) টেকসই উন্নয়নের জন্য যুক্তরাষ্ট্র আরো ১০ কোটি ডলার ঘূর্ণিঝড় সহায়তা হিসেবে প্রদান করছে। এই অব্যাহত সহায়তা বাংলাদেশের সবচেয়ে ঝুঁকিপূর্ণ নাগরিকদের উজ্জ্বলতর ভবিষ্যৎ নির্মাণে সাহায্য করতে যুক্তরাষ্ট্র সরকারের অঙ্গীকারের প্রতিফলন।

=====

জিআর/২০০৯

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই- মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।